

# კეთილმოწყობა თუ ახალი სანაპირო ნელს

ფასი 50 თეთრი № 18 14 - 21 სექტემბერი 2015 წელი გაომის საგზაატიოზით

**თურქეთის სანაპირო**  
**დაცვის გეზი ფოტოთი**  
33. 2



**რა უჯდება მოგებლს**  
**ბავშვის**  
**სკოლაში გაშვება?** 33. 3



**ახალ სანაპირო ნელს**  
**რხორონყუს ბაღები**  
**მოენსრიგებული შეხვედა**  
**თავის აღსაზრდელებს**  
33. 3



**რაგომ ენიანადდება**  
**მოსახლეობა**  
**გუბნათის შეკეთებას?**  
33. 4

**შენ ჯერ ებ არ**  
**გინახავს?**  
**ამ გვიპოვი რვენ**  
[www.msnews.ge](http://www.msnews.ge)

## ფოტოთი ყველა საჯარო სკოლაში

### სანაპირო ნელი დაიწყო



ქათი ჟითაჟა  
ფოტოთი

დღეს ფოტოთის ყველა საჯარო სკოლაში სასწავლო წელი დაიწყო. ახალი სასწავლო წელი ყველგან საზემო ვითარებაში დაიწყო. ზემში მონაწილეობა ადგილობრივმა მთავრობამაც მიიღო. ფოტოთის მერმა ირაკლი კაკულიამ, საკრებულოს თავმჯდომარემ ალექსანდრე თოფურიამ და რესურსცენტრის დირექტორმა გონა ქორქიამ სწავლის დაწყება რამდენიმე სკოლას თავად მიულოცეს. ფოტოთში სულ 11 საჯარო და 3 კერძო სკოლაა. წელს ფოტოთის საჯარო სკოლაში 480 პირველკლასელი მივიდა. განათლების სამინისტრომ წელსაც ტრადიცია არ დაარღვია და 480-ზე პირველ კლასელს განახლებული პორტაბელური კომპიუტერი - ბუკი საჩუქრად გადასცა. წელს პირველკლასელთა რეგისტრაცია სამ ეტაპად მიმდინარეობდა. მათთვის, ვინც გარკვეული მიზეზების გამო, ვერ მოახერხა რეგისტრაციის დროულად გაველა,

დამატებითი რეგისტრაცია ჩატარდა პირველად ორ სექტემბერს. ეს ეხებოდა იმ სკოლებს, სადაც არსებობდა ვაკანტური ადგილები. ბუკები ასევე გადაეცათ პირველი კლასის ხელმძღვანელებსაც, დამრიგებლებსაც, რათა სასწავლო პროცესში სრულყოფილად ჩაერთონ. ამავე დროს, პირველივე დღესვე უფასოდ სახელმძღვანელოების კომპლექტი გადაეცა მოსწავლეებს. ფოტოთის საჯარო სკოლებში დაახლოებით 5652 მოსწავლე ისწავლის. წელს საქართველოს განათლებისა და მეცნიერების სამინისტრომ ფოტოთის მე-8 საჯარო სკოლის შენობის ფასადისა და გადახურვის რეაბილიტაციისთვის 160 ათასი ლარი გამოყო, ხოლო მე-8 საჯარო სკოლისთვის 175 ათასი ლარი იქნა გამოყოფილი. ამჟამად, სკოლის შენობის სახურავი განახლებულია, მთლიანად შეიცვალა ხის კონსტრუქციები და ძველი თუნუქის ფურცლების ნაცვლად, მეტალოკრამიტით დაიფარა სახურავი. შეიცვალა ძირითადი კორპუსის შესასვლელი კარები.

**„ახლა ძველი დრო არ**  
**არის,, - ყურუან პანუხი**  
**ნიმუშვილის №39-ში**  
**მაცხოვრებლებს**



**„კავკასიონი,,**  
**ფოტოსას**  
**ინჟინერა**

გამომცემელი და  
დირექტორი,  
მთავარი რედაქტორი  
ინგა გვასალია -  
599 341 417;  
ingagvasalia@gmail.com

რედაქტორი  
მარი ჯავახია -  
579 241 122

დისტრიბუციის  
სამსახური  
მარი ალიხანაშვილი  
551 122 570-  
კორესპონდენტები:

მარი ალიხანაშვილი  
(ფოტო)  
551 122 570

ქეთი ჭითავა  
(ფოტო)  
598 21 20 11

ივრა პაჭკორია  
(ხობი)  
568 61 04 41

გამოქვეყნებული  
მასალის შინაარსი  
შეიძლება არ  
ემთხვეოდეს  
რედაქციის  
ოფისის ხელის  
სტატიის ავტორები თა-  
ვად ავტორს პასუხს  
ინფორმაციის  
სიზუსტეზე.  
რედაქციაში აუდიო  
მასალები ინახება  
ორი კვირის  
განმავლობაში, ამ  
ვადის გასვლის  
შემდეგ პრეტენზიები  
არ მიიღება.

ბამოქვეყნებულ  
მასალებს  
ბადაბუჭვა  
რედაქციის  
ნებართვის  
ბარშე  
აპრძალულია.

2014 წლის ბო-  
ლოდან 20 %  
ით გაუფასურდა  
ეროვნული ვალუტა  
როგორც ეროვნულ-  
ლი ბანკის პრე-  
ზიდენტი გიორგი  
ქადაგიძე აცხადებს  
ვალუტის კურსის  
ვარდნა მყარია.



და ზღრულ ნიშ-  
ნულს არ ცილდე-  
ბა. გასულ წელს  
23 %-ით გაიზარდა  
ქვეყნის მიმოქცე-  
ვაში არსებული  
ფულის რაოდენო-  
ბა. ერკვერტების  
აზრით მთავრობა  
ზედმეტ ფულს  
ბეჭდავს, რაც ინ-  
ფლაციის მიზეზია.  
მიმდინარე წლის  
იანვარში დოლა-  
რის მიმართ ლა-  
რის კურსი ყოველ-  
დღიურად იცვლება  
და მადლა მიიწევს.  
ბოლო დღეების  
მონაცემებით ერთი  
ამერიკული დოლა-  
რი - 2,4 ლარზე  
მეტია, ერთი ევრო  
- 2,7 ლარი, ერთი  
თურქული ლირა -  
0,78 ლარი.

## ფოთში ახალ სანაპირო ზოლს საბავშვო ბაღები მოეზადებული შეხვდა

**ქათი ჭითავა  
ფოთი**

სასწავლო წლის დაწყებას-  
თან დაკავშირებით № 3 საბავშვო  
ბაღს ქალაქის ხელმძღვანელები  
სტუმროდნენ.


სკოლამდელი სააღმზრდელო დაწე-  
სებულებების გაერთიანების უფრო-  
სის მარგო ჯანიაშვილის განმარ-  
ტებით გასულ წლებთან შედარებით,  
ახალ სასწავლო წელს 15 საბავშვო  
ბაღი ბევრად მომზადებული შეხვდა.  
გარკვეული პრობლემები ცალკეულ  
ბაღებში არსებობდა გადახურვა-  
სთან, სველ წერტილებთან, ელექტრო-  
ენერგიასთან დაკავშირებით, მაგრამ  
თანდათან მოგვარდა. ზაფხულის  
განმავლობაში შეუწყვეტილი მუ-  
შაობდა №1 ბაღი, სადაც 3 ჯგუფი  
ფუნქციონირებდა. როგორც გაერ-  
თიანების ახალმა ხელმძღვანელმა  
მარგო ჯანიაშვილმა გვითხრა: “  
წელს ბავშვთა რაოდენობა შარშან-  
დელთან შედარებით გაიზარდა, 2030  
შეადგინა და 72 ჯგუფია. წელს ბა-  
ღებმა სკოლებში 492 ბავშვი გა-  
აცილეს. კანონში ცვლილებების



## ფოთში სანაპირო ზოლის კეთილმოწყობა იწყება

**მარიამ ალიხანაშვილი  
ფოთი**

ფოთში, მალთაყვის რაიონში, რამდენ-  
იმე თვის წინ დაგეგმილი ახალი  
პროექტი – მოკლე გადასასვლელი  
გზის მშენებლობა და სანაპირო ზო-  
ლის მშენებლობის ქუჩამდე მოწვობა  
იწყებს განხორციელებას. პროექ-  
ტის შესახებ კომენტარი ვთხოვეთ  
ფოთის მუნიციპალიტეტის მერიის  
მშენებლობისა და არქიტექტურის  
სამსახურის უფროსს ზურაბ ყუ-  
რუას. როგორც მან გვითხრა: “მო-  
გეხსენებათ, ტენდერს აქვს თავისი  
პროცედურები. უკვე გამოვლენილია  
გამარჯვებული კომპანია, ეს არის  
აზერბაიჯანული კომპანია “პირამი-  
და”, რომელსაც ფილიალი საქარ-  
თველოშიც აქვს. ველოდებით ხელშე-  
კრულების გაფორმებას, ამის შემდეგ  
გარკვეული პერიოდი მოსამზადებელ  
სამუშაოებს დაჭირდება და ალბათ,



გამო,სკოლის გარეშე დარჩა 180 ბავშ-  
ვი. კვების რაციონის მრავალფეროვნე-  
ბისათვის მომავალი წლის ბიუჯეტი-  
დან მოთხოვნილია 2 ლარი თითო  
ბავშვზე. რაც შეეხება რემონტს – ყვე-  
ლა ბაღში ჩატარდა მიმდინარე რემონ-  
ტი. დამონტაჟდა მძლავრი ორთქლის  
გამწოვი სავენტილაციო სისტემა.  
შეკეთდა სახურავები №9, №1, №11, №6  
№5 ბაღებში. №10 ს/ბაღში შეკეთდა  
კედელი. მოწესრიგდა ეზოები, მოიცუ-  
და ბაღები. მიმდინარეობს მოლაპა-  
რაკება აფხაზეთის დეგნილითა სამი-  
ნისტროსთან №9 ს/ბაღში 2 ჯგუფის  
კაპიტალურ რემონტთან დაკავშირე-  
ბით. ქალაქის ხელმძღვანელობის გა-  
დაწყვეტილებით, მომავალ სასწავლო  
წლისათვის იგეგმება №5 და №8 ს/ბა-  
ღების სრული რეაბილიტაცია. ყველა  
ბაღში ადებულია წყლის სინჯი და  
ჩატარებულია სადემონსტრაციო სამუ-  
შაოები. სასწავლო პროცესი მიმდინარე-  
ობს საგანმანათლებლო სახელმწი-  
ფო სტანდარტებით, სადაც აღწერილია  
ბავშვის განვითარების სფეროები,  
ქვესფეროები, მიმართულებები და შე-  
დეგები. ჩვენ ყველაფერს ვაკეთებთ  
ჩვენი პატარებისათვის”.

## გაქვირდება თუ არა „კური ჩვენი არსობისა,,

**მარიამ ჯავახია  
ფოთი**

ბოლო დროს ლარის კურსის გაუფასურებამ, დოლა-  
რის კურსის ზრდამ და ელექტროენერჯის საფასურის  
მომატებად საკმაოდ დიდი გაველნა იქონია ყველაფრის  
ფასზე, რაც მეტად განსაკუთრებით მტკივნეულად  
აისახება ისედაც მწირ შემოსავლიან მოსახლეობა-  
ზე. ერთი პროლექციის ან მომსახურების გაძვირე-  
ბა ჯაჭვურ რეაქციას იწვევს და ყველაფერს აძვი-  
რებს. მაგალითად ელექტროენერჯიაზე ფასის მატებას  
მოყვება კურსის ფასის მატებაც. ამის გასარკვევად  
საცხოვრებლად მივმართეთ. პურზე ფასის მომატება ყველ-  
გან უარყვეს. ისიც გვითხრეს, თბილისში თუ გაძვირდა  
პური, შესაძლოა, აქაც გაძვირდეს. ზოგან – ფქვილის  
ფასების მიხედვით განვსაზღვრათო – თქვეს. ჯერჯე-  
რობით, ფასები შენარჩუნებულია, მაგრამ ცხადია, ასე  
დიდხანს არ გაგრძელდება. ასეც შეიძლება მოხდეს,  
რომელიმე საცხოვრებელი ფასი არ მოუმატოს, მაგრამ წო-  
ნაში მოუკლოს პურს, რაც იგივე გამოდის.

რას აკეთებს ხელისუფლება ხალხის მდგომარეობის  
შესამსუბუქებლად? ამ კუთხით ჯერჯერობით სასიკე-  
თო არაფერი ჩანს და მოსახლეობის ეკონომიკური  
მდგომარეობა კი უფრო მძიმდება.

ამასთან დაკავშირებით ერთი ძველი ამბავი მახსენდ-  
ება: ერთ-ერთ დამპყრობელს ქართველებისთვის დიდი  
ხარკი შეუწერია. აკრფის დროს აყაყანებულან, აყვი-  
რებულან ქართველები. უკითხავს ამკრებისთვის სულ-  
თანს – რა თქვეს ქართველებმა? იყაყანებს მაგრამ  
გადაიხადესო. მოუმატეთ გადასახადებო – უბრძანე-  
ბა სულთანს და ასე რამდენჯერმე გაგრძელდა. ბოლო  
აკრების დროს ისევ უკითხავს დამპყრობელს –  
რაო, რა თქვეს ქართველებმა? ხარკის ამკრებს  
უპასუხია გახარებულს – არაფერი თქვეს, გაიცინესო.  
მოუხსენით მაგათ ყველა გადასახადო, სიმწრით გა-  
ცინებულ ქართველზე უფრო საშიშია, არაფერია დედა-  
მიწაზე – უბრძანებია სულთანს.



## თურქეთის სანაპირო დაცვის გეგმა ფოთში

ფოთის მერს ირაკლი კაკულიას საქართველოში მე-  
გობრული ვიზიტით მყოფი თურქეთის სანაპირო დაც-  
ვის გემის მეთაური, კაპიტან-ლეთენანტი ზაფერ არს-  
ლანი და ეკიპაჟის წევრები ეწვივნენ.

თურქული გემი, ფოთის ნავსადგურში საქართველოს  
სანაპირო დაცვის დეპარტამენტის მოწვევით, მეგობ-  
რული ვიზიტით შემოვიდა. ირაკლი კაკულიამ თურქ  
სამხედრო მეზღვაურებს ფოთის ისტორიულ წარსულ-  
ზე, ნავსადგურის მნიშვნელობასა და ქალაქში ტური-  
ზმის განვითარების პერსპექტივაზე, ასევე თურქეთის  
რესპუბლიკასთან ურთიერთობის გაღრმავებასა და  
თურქეთის რომელიმე შავიზღვისპირა ქალაქთან შე-  
საძლო დამეგობრების თაობაზე ესაუბრა.

თავის მხრივ, თურქმა კაპიტანმა ზაფერ არსლანმა  
მადლობა გადაუხადა მერს და საქართველო-თურქეთის  
სანაპირო დაცვის უწყებათა თანამშრომლობის  
მნიშვნელობაზე ისაუბრა. შეხვედრას საქართველოს  
სანაპირო დაცვის დეპარტამენტის დირექტორის მო-  
ადგილე, პირველი რანგის კაპიტანი რამაზ პაპიძე  
ესწრებოდა.



# რა უჯდება მშობელს ბავშვის სკოლაში გაშვება?

## კეთილი ღმერთი

ყოველი სასწავლო წლის დაწყებას განსაკუთრებული სამზადისი მოჰყვება ხოლმე. სკოლის მოსწავლეები ახალი სასკოლო ფორმებისა და სასწავლო ნივთების შესაძენად მშობლებთან ერთად გამოცოცხლებულ სასკოლო ბაზრობას მიაშურებენ ხოლმე. გამოცოცხლებულს იმიტომ ვამბობთ, რომ ამ ბოლო დროს ბაზრობა კლიენტების ნაკლებობას უფრო მეტად განიცდის. დოლარის კურსის ზრდამ და, შესაბამისად, ლარის გაუფასურებამ ფასები საკმაოდ

გაზარდა. ერთი შეღავათი კი არსებობს – განათლების სამინისტრო სახელმძღვანელოებს ისევე უფასოდ არივებს, მაგრამ მხოლოდ სახელმძღვანელოები, მოგეხსენებათ, საკმარისი არ გახლავთ და მშობლებს სხვა პრობლემები გააჩნიათ. რა უჯდება მშობელს შვილის სკოლაში გაშვება? ამ კითხვაზე პასუხის გასაცემად ბაზრობას ვეწვიეთ.

სასწავლო წლის დაწყებამდე სამი დღით ადრე ბაზარში მყიდველების რაოდენობამ, მართალია, იმატა, მაგრამ წინა წლებთან შედარებით აშკარად სინაკლებია, რაზეც გამყიდველები



სინანულით საუბრობენ. ხშირად ვაწყდებოდი ბავშვების უკმაყოფილო სახეებს, რომლებიც დადონებულნი შესცქეროდნენ დახლებზე გასაყიდად გამოტანილ სასკოლო ჩანთებს, რადგან მაღალი ფასის გამო, უმეტეს შემთხვევაში, მშობელს არ შეუძლია ბავშვის სასურველი ნივთის შეძენა.

ერთ-ერთი მშობელი ნათია სიჭინავაძე ფასებით უკმაყოფილო მშობლების რიგშია: “ორი შვილი მყავს და ძალიან გამიჭირდა სასკოლო ნივთების შეძენა მათთვის. შარშანდელთან შედარებით ფასები საკმაოდ მომატებულა და რატომღაც უნდა, ყველაფერს ვერ ვყიდულობ ბავშვებისთვის. მიუხედა-

ვად ამისა მაინც სასკოლო სამზადისი 300 ლარზე მეტი დამიჯდა. მინდა, ყველა ბავშვი სკოლაში ბედნიერი და გახარებული წავიდეს და კარგად ისწავლოს. ყველა მშობელი ცდილობს შვილისთვის ყველაფერი გააკეთოს, მაგრამ რომ არ არის საშუალება, რა უნდა ვქნათ? კიდევ კარგი სახელმძღვანელოები მაინც უფასოა”.

მანანა ქებურიასაც სასკოლო ბაზრობაზე შეეხვედით: “ძალიან მინდოდა, ჩემი შვილი სკოლისთვის კარგად გამომეწყო, საუკეთესო მეყიდა, მაგრამ ეკონომიის გაკეთება მომიწია. ბავშვი შარშანდელთან ერთად უნდა გაეწევა წელსაც. მთავარია, სასკოლო ტანსაცმელი და ფეხსაცმე-

ლი კარგი შევუძინო. უფასო სახელმძღვანელოები ცოტა შეღავათი მაინცაა ჩვენთვის. მართალია სახელმძღვანელოები არ მქონდა საყიდი და რაღაც ნივთებშიც ეკონომია გააკეთე, მაგრამ მაინც სამზადისი 250 ლარი დამიჯდა”.

მშობელი ნანა გუჩუა უფრო პრაქტიკულ გზას ირჩევს. როგორც გვეუბნება: “ფორმის შესაკერად ნაჭერი შევიძინე. ეკონომიურად ძალიან მიჭირს და მზა ფორმას ვერ ვიძენ. ახლობელი მკერავი მყავს და იმის იმედად ვარ, უფასოდ შემეკერავს ფორმას. სასკოლო ნივთებში, წვრილმანებში ისედაც ძალიან ბევრი ფული მიდის. მე ერთი ბავშვის გამოწყობა გამიჭირდა და იმან

დასასრული 4- 83.



## ახალ სასწავლო წელს ჩხორონყუს ბაღები

### მონესრიგებულნი შეხვდა თავის აღსაზრდელებს

#### მარიამ ჯაფარიძე

წლების განმავლობაში ჩხორონყუს მუნიციპალიტეტი საბავშვო ბაღების სიმცირეს განიცდიდა. რაიონის ცენტრში არსებულ 5 საბავშვო ბაღს შენობა არ გააჩნდა და წლების განმავლობაში ნაქირავებში იმყოფებოდნენ. როგორც ჩხორონყუს გამგებლის მოადგილემ ვალერი თოდუამ გვითხრა, ხელისუფლების შეცვლის შემდეგ ეს პრობლემა აღმოფხვრილია და დღეს უკვე ყველა საბავშვო ბაღს შენობა გააჩნია. თოდუასვე განმარტებით ამჟამად გაორმაგებულია როგორც ბაღების რაოდენობა, ასევე აღსაზრდელებისა. ჩხორონყუს მუნიციპალიტეტის 34 საბავშვო ბაღში და 1000-ზე მეტი აღსაზრდელია: “რაიონში 32 ათასი მაცხოვრებელია და 34 საბავშვო ბაღი ფუნქციონირებს. ახალი ხელისუფლების მოსვლის შემდეგ ყველა სოფელში საბავშვო ბაღი გაიხსნა. ბოლო სამი წლის

განმავლობაში ყველა არსებული ბაღი გარემონტდა და შეიტანეს ახალი ინვენტარი. ბაღებში წლების განმავლობაში არ ჰქონდათ შუქი, თუმცა იყო დაბაში ისეთი ბაღები, რომლებიც წლების განმავლობაში ქირას იხდიდნენ. მართალია, საერთაშორისო სტანდარტებს ჯერაც ვერ შეესაბამება, მაგრამ ძალიან დიდი პროგრესია. ამას გარდა, მოგეხსენებათ, ბაღი უფასო გახდა სამჯერადი კვებით. დაახლოებით 1 მილიონი ლარია ჩხორონყუს ბაღების წლიური ბიუჯეტი. 30% გაიზარდა აქ დასაქმებულების ხელფასი. 200-ზე მეტი ადამიანი მთლიანად ბაღებში დასაქმებული. რაც მთავარია, დღეს თითქმის აღსაზრდელი არაა დარჩენილი ჩვენს მუნიციპალიტეტში საბავშვო ბაღის გარეშე. ჩვენი მუნიციპალიტეტისთვის სოფლის მხარდაჭერის პროგრამით, დაახლოებით 640 ათასი ლარია გამოყოფილი. სო-



ფლებში, სადაც ბაღის პრობლემა გამოიკვეთა ყველაგან გაითვალისწინეთ. 34-ვე ბაღში სარემონტო სამუშაოები ჩატარებულია და პერიოდულად რემონტდება საჭიროების მიხედვით. ეს ყველაფერი, როგორც გითხარით, სოფლის მხარდაჭერის პროგრამით ხორციელდება. პირველ რიგში ბაღების საკითხი დავაყენებ პრიორიტეტად, რომ სასწავლო წლის დაწყებამდე

მოგვეწყო მათი რემონტი და აღსაზრდელებს გარემონტებული სუფთა და ლამაზი გარემო დახედვროდა. მინიმუმ 120 ათასი ლარი მოხმარდა ბაღების გარემონტებას. ახალ სასწავლო წელს ყველა ბაღი მოწესრიგებული შენობით ხვდება თავის აღსაზრდელებს”.

ახუთსა და დაბას 4 ახალი ბაღი შეემატა. გაუქმებული ბაღებიც უკვე აღდგენილია, რადგან აღსაზრდელთა რაოდენობა იზრდება. “მიუხედავად ამისა, მაინც არსებობს სხვადასხვა პრობლემები, მაგრამ ჩვენ ვეცდებით მათ მოგვარებას, რათა ჩვენმა პატარებმა კომფორტულ გარემოში შეძლონ ცხოვრების გარკვეული ნაწილის გატარება” - აღნიშნა თოდუამ.



# „ახლა ძველი დრო არ არის, - ყურუას პასუხი ნინოშვილის №39-ში მაცხოვრებლებს

**მარიამ ალინაშვილი**  
**ფოთი**

ფოთში ნინოშვილის №39-ში ცხრასართულიანი საცხოვრებელი სახლის მცხოვრებლებმა მოგვმართეს დახმარებისთვის. ისინი რამდენიმე თვეა, ადგილობრივ ხელისუფლებას თხოვენ დახმარებას საცხოვრებელი კორპუსის გადახურვასთან დაკავშირებით. წლებია, მათ საცხოვრებელ სახლს შეიძლება ითქვას სახურავი არ აქვს და ბინებში ყოველი წვიმის დროს წყალი ჩადის. როგორც ზედა სართულის მაცხოვრებლები ამბობენ, წყლის ჩასვლის გარდა ჭერის ჩამონგრევის საშიშროებაც არსებობს: „სანამ ცუდი რამ არ მოხდება და ტრაგედია არ დატრიალდება, ალბათ, მანამ არავინ მოგვაქცევს ყურადღებას. რამდენჯერმე ვიყავით მისულები მერიამში, მაგრამ ამ წელს არ გვაქვს ბიუჯეტში თანხები და ვერ შევაკეთებთ - ესაა მათი პასუხი. არადა, დღითი დღე უარესი მდგომარეობაა, განსაკუთრებით წვიმის დროს, წყალი ჩამოდის, ყველაფერი გაგვიფუჭდა, გაგვინადგურდა. აქ ცხოვრება შეუძლებელია, მაგრამ სად წავიდეთ? წვიმაც რომ არ იყოს, ისედაც საშიშია აქ ცხოვრება, წყლის შედეგად სულ ჩამორეცხილია კედელი, როდის ჩამონგრევა, არავინ იცის. კიბეებსაც ჩამონგრევის საშიშროება ემუქრება ამის გამო. იქნებ თქვენ გვიშველოთ და მიაწვდინოთ ხმა ვისაც ხელეწიფება ამის გაკეთება, ჩვენ არავინ გვისმენს. არჩევნების დროს, იცოცხლეთ, ხმის მიცემა რომ უნდოდეთ, ყველა კარგად იძლეოდა დაპირებებს, მერე კი ყველამ დაივიწყა ხალხიც და მათი პრობლემებიც“ - გვითხრეს აღნიშნული კორპუსის მაცხოვრებლებმა.

ქალაქ ფოთის მუნიციპალიტეტის მერიის მშენებლობის,



ინფრასტრუქტურის, ტრანსპორტის, კეთილმოწყობის, ურბანული განვითარების, არქიტექტურისა და აღმინისტრაციული ზედამხედველობის სამსახურის უფროსს ზურაბ ყურუა როგორც გვეუბნება: “ძალიან ბევრი განცხადება შემოდის. ჩვენ ყველა განცხადებაზე ვახდენთ რეაგირებას, ყველგან მიდიან ჩვენი თანამშრომლები. ნინოშვილის №39-ში მდებარე ცხრასართულიანი საცხოვრებელი სახლის სახურავზე რამდენიმე შეფერია გამოსაცვლელი, რატომღაც ყველას გონია, ადრე რომ იყო მერიის სამსახური, ისევ ისეა - რომ მივიდეს და გამოცვალოს. ეს სახლი არის მათი კერძო საკუთრება და ყველანაირი სარემონტო სამუშაოები მათ უნდა ჩაატარონ, მაგრამ სახელმწიფო ითვალისწინებს იმას, რომ მოსახლეობას არ აქვს საშუალება და თუ კაპიტალური რემონტია ჩასატარებელი, მაშინ სახელმწიფო გააკეთებს. ბევრი სახლია გადახურული. იქ არის რამდენიმე, ეს ასე მარტივად არ ხერხდება. ხალხმა უნდა გაითვალისწინოს,

ბიუჯეტში რამდენია თანხა. ასეთ სიტუაციაში უნდა გამოცხადდეს ტენდერი. ჯერ საპროექტო ორგანიზაცია დაიბრუნდეს, რა ხარჯებია საჭირო, შემდეგ ცხადდება ტენდერი და გამარჯვებული ფირმა გადახურავს. პატარა-პატარა რემონტებს სახელმწიფო ვერ გააკეთებს, თან ეს სახლი კერძო საკუთრებაა, პრივატიზებულია. ყველა სახლს უნდა ყავდეს ამხანაგობის თავმჯდომარე, რომ ამ ყველაფერს აგვარებდეს, მაგრამ ამ სახლს არ ყავს რატომღაც, ყოველშემთხვევაში ჩვენ ვერ ვნახეთ. იქ არის 54 მოსახლე, უბრალოდ 50-50 ლარი რომ შეაგროვონ, სრულიად საკმარისი იქნება სახურავის გასაკეთებლად. 500 ლარიანი დახმარება რომ გაუწიოს მერიამ ვინმეს, ის უნდა იყოს სოციალურად დაუცველი. პატარა მიმდინარე რემონტები თავად უნდა გააკეთონ. სახელმწიფო, რათქმაუნდა, გაუწევს დახმარებას, მაგრამ თავიდან ბოლომდე სახელმწიფოს ხარჯზე ვერავინ იქნება. როგორც გითხარით, ეს იყო ადრე, ძველ დროში არიან დარჩენილნი. ჩემი თხოვნა იქნება, ცოტა ცივილიზებულად ვიფიქროთ და ასეთი რემონტები თვითონ გააკეთონ”.

## რა უჯდება მშობელს ბავშვის სკოლაში ბავშვება?

**დასაწყისი 3-33.**

რა ქნას, ვისაც ორი და სამი ბავშვი ყავს სკოლაში გასაშვები? იმედია, მომავალ სასწავლო წელს მაინც იგივე პრობლემები აღარ გვექნება”.

როგორი ვაჭრობა აქვთ ბაზარში გამყიდველებს სასკოლო პერიოდში, ამის გასაგებად რამდენიმეს გავესაუბრეთ. ყველა მათგანი კლიენტის აშკარა ნაკლებობას უჩივის: “ამ მხრივ ძალიან ცუდი სიტუაციაა. ხალხს არა აქვს ფული, არ დადის ბაზრობაზე და, შესაბამისად, ჩვენც ცუდ დღეში ვართ. დღეს ყველა ცდილობს, საკვები შეიძინოს და ტანსაცმლის დარდი ვიღას აქვს, თუ დემრთი გწამთ? ყველა მშობელი ცდილობს იაფად შეიძინოს სასკოლო და ისიც აუცილებელი ნივთები”. იგივეს ამბობენ სხვებიც: “სიმართლე გითხრათ, ასეთი ცუდი სასკოლო ბაზრობა ჯერ არ მახსოვს. წინა წლებშიც უამრავი კლიენტი არ იყო, მაგრამ ახლა საერთოდ არ დადის ხალხი ბაზრობაზე. ფული არ აქვთ და რა ქნან? ჩვენც რა უნდა ვქნათ და ასე როდემდე გაგრძელდება, გაურკვეველია. იმედით ვცოცხლობთ, უკეთესობის მოლოდინში ვართ. ჩემი დიდი სურვილია, ყველა ბავშვი სკოლაში კმაყოფილი წავიდეს. ვუსურვებ კარგ სწავლას ყველას და აგარ მინდა ბავშვების ცრემლიან თვალებს ვუჭურებდე, როცა რამეს ვერ ყიდულობენ”.



## რატომ ენინააღვლება მოსახლეობა გუმბათის შეკეთებას?

**მარიამ ალინაშვილი**  
**ფოთი**

ოთხიოდე წლის წინ, ფარნავაზ მეფის №1-ში ხუთ სართულიან შენობას კუთხეში გუმბათი დაადგეს. გუმბათი ძალიან ალაპაჯებდა შენობასაც და ქალაქის იერ-სახესაც ფრიად მოუხდა. რამდენიმე წლის წინ, ძლიერმა ქარმა გუმბათის ნაწილი დააზიანა, მოგლიჯა და ცუდად აისახება ქალაქის სილამაზეზე. რამდენიმე თვეა გუმბათი თავისი პირვანდელი სახე დაკარგა, მაგრამ ამის შეკეთებას დღემდე საშველი არ დაადგა. რატომ ჭიანურდება გუმბათის ამ დრომდე შეკეთება და იგეგმება მის აღდგენასთან დაკავშირებით ამის გასარკვევად ფოთის მუნიციპალიტეტის მერიის მშენებლობისა და არქიტექტურის სამსახურის უფროსს ზურაბ ყურუას მივმართეთ. როგორც მან გვითხრა: “როდესაც გუმბათი დააზიანა ქარმა, მივიდნენ ჩვენი თანამშრომლები, მიიტანეს მასალა, მიიყვანეს ამწე ეგრეთწოდებული ჟირაფი, მაგრამ მოსახლეობამ კატეგორიული უარი განაცხადა მის შეკეთებაზე - წყალი ჩამოდისო - ამბობენ. ახლა ამას გააკეთებთ და წყალი რომ ჩამოვა, იმას აღარ მიაქცევთ ყურადღებასო გვითხრეს. ახლა ვცდილობთ, რამე მოვახერხოთ და გააკეთოთ. ცოტანის წინ მერის მოადგილემ იყო გასული ადგილზე, ექსპერტიც მიიწვიეს და ველოდებით დასკვნას. თუ გაკეთდება ისე, რომ წყალიც აღარ ჩავიდეს, დასკვნის შემდეგ მალევე გააკეთებთ. რატომღაც მოსახლეობას არ სჯერა, რომ შეიძლება ისე გაკეთება, წყალი რომ არ ჩავიდეს. გუმბათის მოხსნასაც კი ითხოვდნენ, მაგრამ თუ ექსპერტი იტყვის, რომ გაკეთდება, რატომ მოეხსნით?”

ყურუას კომენტარის მერე აღნიშნული კორპუსის მოსახლეობას მივმართეთ, გვანებრესებდა, რა პრობლემები აქვთ გუმბათთან დაკავშირებით. მათ რატომღაც კომენტარისგან თავი შეიკავეს, მხოლოდ ერთმა მათგანმა გვითხრა (მანაც რატომღაც ვინაობა არ გავიხსილავ?), რომ ეს გუმბათი ძალიან უბრალოდ გახლდათ გაკეთებული - თხელი მუყაოს თაბაშირით და ამიტომაც გაფუჭდა. მერე კი მოსახლეობის სურვილიც გვითხრა - ან უნდა მოიხსნას, ანაც კაპიტალურად ისე უნდა გაკეთდეს, რომ წყალი არცერთ ოჯახში აღარ ჩავიდეს და ზიანი არ მიაყენოს. იმედია, ყველაფერი ისე გაკეთდება, გუმბათიც დარჩება და მოსახლეობის ბინებიც არ დაზიანდება ყოველი წვიმის დროს.



# „აქლენა ნანალა და შეხედრება ბადაგვალა,, და ,,გვეშელება რამე?,,

ქათი ჭითავა  
ფოთი

ჩვენ ქალაქის დაუმთავრებელი და გაჭიანურებული მშენებლობები აქტუალურად არაა და არ კარგავს და ჩვენც კვლავ ვუბრუნდებით ამ მოუგვარებელ პრობლემას. ფოთში აღმაშენებლის ქუჩაზე მდებარე რამდენიმე საცხოვრებელი სახლიც ამ მშენებლობების სიაშია. სახლებს უკვე ორ წელზე მეტია სარემონტო-სარეკონსტრუქციო სამუშაოები უტარდება და მის დამთავრებას არ დაადგა საშუალება. რემონტის ვადების ასე გაჭიანურებამ აღნიშნულ საცხოვრებელ კორპუსებში მცხოვრები მოსახლეობის გაღიზიანება გამოიწვია.

ჩვენთან საუბარში მათ გულისტკივილი გამოთქვეს. როგორც გვითხრეს, სარემონტო სამუშაოების დროს ზიანი მიადგა მათ ბინებს ოთახებში -დაზიანდა ჭერი, გაიზარა კედელი და დღემდე წყალი ჩამოდის. წყალი უნდა კედლებიდანაც ამდენად, მათი მოთხოვნაა ტენდერი თავიდან ჩატარდეს

ბლემასთან დაკავშირებით. იყენებენ მერიიდან მოსულელები, გვითხრეს, მოიყვანეთ თქვენ მუშები და შეთანხმდითო. მერე ჩვენს მუშებსაც მოვიყვანთო და შედარებებს გავაკეთებთო, რად უნდა ამდენი შედარებები? ფაქტი სახეზეა. თვითონაც ძალიან კარგად იციან, რა არის გასაკეთებელი, ვის როგორი რემონტი ქონდა გაკეთებული, ამის მიხედვით უნდა შეაფასონ. ერთი თვე დავიდოდით მერიაში თხოვნით, რომ ეშუამდგომლათ სამშენებლო კომპანიასთან ზარალის ანაზღაურების თაობაზე. ოქმიც შედგა მერიის შუამდგომლობით ჩვენსა და სამშენებლო კომპანიას შორის. როგორც კი ჩაბარდება ეს შენობა ქალაქს, იმის მერე უნდა მოხდეს ზარალის ანაზღაურება”.

ამავე კორპუსში მცხოვრები ნესტან დათუაშვილის თქმით, დაზარალებულები არიან ორივე კორპუსის არამარტო ბოლო სართულზე მცხოვრებლები, არამედ მეორე სართულზეც ჩაუვიდათ წყალი და გაუფუჭდათ კედლები და ჭერი: “რაც შეეხე-



დასრულებულიყო 1 თვეში, მაგრამ როგორც გაგივთ, უფინანსობის გამო შეჩერებულია. ფანჯრებიდანაც შეგვიდის წყალი. ჭერიც მუშაობის დროს საშენ მასალას როგორც ჩანს, სიმაღლიდან აგდებდნენ, რის გამოც ჭერი ზანზარებდა და გვეშინოდა,

და გზაზე დაგვაყენებს. რამდენი ხანია, ასეთ დღეში ვართ, ამდენმა წანწალმა და შეხედრებმა უკვე გადაგვალა“- აცხადებენ ამ კორპუსის მცხოვრებლები.

დაზარალებულები იმასაც კი ეჭვობენ, რომ კომპანიამ შესაძლოა მათსა და კომპანიას შორის დადებული ოქმი დაარღვიოს უფინანსობის მომიზეზებით. ამ შემთხვევაში, მათივე განცხადებით, გაჩერებას არ აპირებენ და სასამართლოში სარჩელის შეტანას აპირებენ. „თუ თავიანთ დანაპირებს არ შეასრულებენ, ჩვენ მივმართავთ სხვა ზომებს, სხვადასხვა ინსტანციებს. ყველა ერთმანეთს ამოვუდგებით და ასე არ გაეჩერდებით. ზარალის აუნაზღაურებლობის შემთხვევაში სასამართლოს მივმართავთ. 14 დაზარალებული ოჯახი ვართ ამ ორ სახლში და ამ თოთხმეტივე ოჯახმა დაგწერეთ წერილები. ამით უნდათ, რომ კაპიკებში გამოიყვანონ თავიანთი საქმე და მგონი სულ ჭიდილი გვექნება ამ თანხებთან დაკავშირებით“- ამბობენ დაზარალებულები.

ხელმძღვანელობის პოვნა გავიჭირდა, მხოლოდ საქმეთა მწარმოებელი ვნახეთ, რომელიც იმავე კორპუსში ქირით ცხოვრობს, მაგრამ მან არც ვინაობა გავგიმხილა და კომენტარისგანაც თავი შეიკავა. შპს „ჯენერალ ქონტრაქტინგ კომპანია“, რომელიც ფოთში ცენტრალურ ქუჩაზე ორი კორპუსის მასშტაბურ სარემონტო-სარეკონსტრუქციო სამუშაოებს ახორციელებს, ტენდერით გამოვლინდა. როცა კომპანიის წარმომადგენლებთან ვერაფრის გარკვევა ვერ მოვახერხეთ, შევეცადეთ ადგილობრივი ხელისუფლების წარმომადგენლებისგან მაინც მიგველო განმარტებები, მაგრამ აქ უფრო მეტ წინააღმდეგობებს გადავაწყდით. მერის მოადგილემ ნიკოლოზ გრიგოლიამ მშენებლობის სამსახურის უფროს ზურაბ ყურუასთან გადაგვისამართა. ყურუამ თავის მხრივ საინფორმაციო სამსახურის უფროსთან გაგვიშვა, ამ უკანასკნელმა კი ისევ ყურუასკენ მივივითთა. ასე წრეზე სირბილის მიუხედავად, პასუხი ვერ მივიღეთ და ვერაფერი გავარკვიეთ. შესაბამისად, ჩვენთვისაც გაურკვეველი დარჩა ფოთში მშენებლობები როდესმე მაინც თუ დამთავრდება და ცნობილი ადამიანის მეტად ცნობილი ფრთიანი მაგრამ პასუხაუცემელი გამოთქმის მოთხოვნის დაკმაყოფილებას, მაგრამ კომპანიის რამე?



და უფრო კეთილსინდისიერ მშენებლებს გადაეცეთ მათი ბინები გასარემონტებლად. ერთ-ერთ სახლში მცხოვრები თალიკო ჯიმშელიშვილი როგორც გვეუბნება: “არავის აინტერესებს ჩვენი მდგომარეობა. სამივე კორპუსის მშენებლობა რამდენიმე თვეა შეჩერებულია და პასუხის გამცემიც არავინაა. იქნებ ახალი ტენდერი დაინიშნოს, სხვა კომპანიამ გადაიბაროს და დასრულებას დაადგეს საშუალება? ძალიან შეწუხებულები ვართ. ყოველი წვიმის დროს წყალი ჩამოგვდის და სულ დაძაბულები ვართ. რაც გაკეთდა, ისიც უხარისხოდ გაკეთებული. თუ არ გვარემონტებენ თავიდან, მუდმივად გვექნება პრობლემები. როდის შევძლებთ ნორმალურად ვიცხოვრო? რემონტი ძალიან ძვირი დაიმიჯდა, ძლივს გავაკეთებ. ჩვენ დაზარალებულებმა, ჯერ კიდევ რამდენიმე თვის წინ დავწერეთ წერილი და ვის არ მივმართეთ ამ პრო-

ბა შეთანხმების ოქმს, ზოგი რამ არ მოგვეწონა. იქ წერია, რომ ანაზღაურება მოხდება შენობის ჩაბარების მერე, მანამდე ხომ უნდა მოხდეს აღწერა და აღწერაზე ჯერ არავინ ყოფილა. აღწერა საჭიროა, ვის რა ზიანი მოგვადგა და რა ოდენობის. ჩვენ ან თანხა უნდა მოგვეთხოვა, ან თვითონ უნდა გაეკეთებინათ, ჩვენ გვყავდა ხელოსანი მოყვანილი ადრე, რათა თვითონ მიგვეხედა ჩვენი თავისთვის, მაგრამ მერე ფასებმა იმატა სამშენებლო მასალებზეც და უკვე აღარ ვიცით, რამდენად მოვირგდებით ფასებში. 2 წელზე მეტია, ეს სამუშაოები მიდის და სულ გვეუბნებიან, რომ ასეთი სახის რემონტები, რეაბილიტაცია იწვევს თურმე ზიანს და ამისთვის ვართ მზად და ჩვენც ზიანის შემთხვევაში გადავიხადოთ უნდა თანხაო. ოღონდ რამდენად აგვიანაზღაურდება, ვერ გეტყვით. სარემონტო სამუშაო უნდა

არ ჩამონგრეულიყო. ფაქტი სახეზეა - ჭერი გაბზარული და ჩამოწეულია. იმედია, ჩაბარების დღიდან 1 თვის განმავლობაში დანაპირებს შეასრულებენ. თუ არადა, ვაპირებთ სასამართლოში ჩივილს, ადვოკატს ავიყვანო



# კინო-თეატრი, სმარტი ან მაკონალდსი?

**მარიამ ალიხანაშვილი**  
ფოთი



ფოთის ცენტრში, რკალზე რამდენიმე წლის წინ დაწყებული შენობა, სადაც კინო-თეატრი და სმარტი უნდა განთავსებულიყო, ჩანასახშივე შეჩერდა და მას მერე ვერ დაიდრა ადგილიდან. განახლება თუ არა აღნიშნული შენობის მშენებლობა ან რა ბედი ელის მას საბოლოოდ, ამის გასარკვევად ფოთის მუნიციპალიტეტის მერიის ადმინისტრაციული ზედამხედველობის განყოფილების მთავარ სპეციალისტს მიხეილ სარიშვილს ვესტუმრეთ. მისი თქმით: „მშენებელ კომპანიას გააჩნია ვალდებულებები, რომელიც უნდა შეასრულოს. ეს შენობა 2012 წლიდანაა გაჩერებული. მშენებლობას 3 წლიანი ხელშეკრულების ვადა გაუვიდა, რის შემდეგაც ჩვენ გავაგზავნეთ მითითება, რომელსაც, თავის მხრივ, პქონდა გარკვეული ვადა - 20 დღე მშენებლობის ვადის გაგრძელება-თხს დაკავშირებით. უნდა შემოსულიყვნენ ახალი ხელშეკრულებით, მაგრამ ვერ მოახერხეს. პარალელურად, ეკონომიკის სამინისტროსთან მოლაპარაკებაში არიან პროექტის შეცვლასთან დაკავშირებით. მშენებლობის შეჩერებასთან დაკავშირებით დაჯარიმდნენ 5 000 ათასი ლარით და ეს დადგენილება გაიგზავნა 7 მაისს. აგვისტოში უნდა გააგრძელონ მშენებლობა, წინააღმდეგ შემთხვევაში, ისევ დაჯარიმდებიან 15 000 ლარით. დაჯარიმებიდან დაჯარიმებამდე სამ-სამი თვეა შუალედი. ეს დროც გასულია და ახლა უწევთ სამშაგი ოდენობით გადახდა. კარგი იქნება, თუ გაგრძელდება მალე მშენებლობა და მივიღებთ კინო-თეატრსაც და სმარტსაც. პროექტის მიხედვით შენობაში უნდა განთავსებულიყო სმარტი და ერთი დარბაზი დაეთმობოდა კინო-თეატრს. ჩვენი მხრიდან ყველანაირი ვადები დაცულია და ვადების გაქცევას ადგილი არ ქონია, ყველა რეაგირება აბსოლუტურად გატარებულია. სანამ არ დაიწყება მშენებლობა სულ ექნებათ ჯარიმები. მოგეხსენებათ, არც მათ აწყობთ ამდენი ჯარიმის გადახდა და, შესაბამისად, რაღაც გადაწყვეტილებას მიიღებენ. ჩვენს ქალაქს ჭირდება კინო-თეატრი. ყველა შემთხვევაში მათ მოუწევთ მშენებლობის გაგრძელება, რადგან ჯარიმების გადახდა ხარაღის მომგანია კომპანიისთვის, ეს მხოლოდ დროის ამბავია. რაც შეხება ჩვენი ქალაქის მოსახლეობას, მას არ აინტერესებს, რატომაა გაჩერებული მშენებლობა. სურთ გარემონტებული და ლამაზი შენობები იყოს ქალაქში. ჩვენი ინფორმაციით, კომპანიას ამჯერად არ აწყობს კინო-თეატრის გახსნა, რადგან მომგებიანი არ არის ბიზნესისთვის. მათ უნდათ ამერიკული ბრენდების შემოტანა, მა-

გალითად მაგონალდსის. ქალაქის ხელმძღვანელობის მხრიდან და თავდაპირველად დადებული შეთანხმებით კი მოთხოვნაა, რომ აუცილებლად უნდა იყოს კინო-თეატრი. თუ უნდა სხვა ბრენდი შემოიტანოს, კი ბატონო, მაგრამ მაინც მოთხოვნაა, რომ იქ იყოს აუცილებლად კინო-თეატრიც. ჩვენც მივყვებით კანონით დადგენილ წესებს და არ არის არანაირი პოზიციების დათმობა ჩვენი მხრიდან. რაც შეეხება სხვა დაუსრულებელ შენობებს - უმეტესად კომპანია ხელფასებს ვერ არიგებს და თანამშრომლებს პროტესტის ნიშნად უწევთ სამუშაოს მიტოვება. ვიცით, რომ შენობების მესაკუთრეებს გარკვეული კონკრეტული პრობლემები აქვთ და უჭირთ მშენებლობის გაგრძელება. ეს მიტოვებული შენობები ყველა ექვემდებარება გარკვეული სახის ჯარიმებს, რაც, როგორც გითხარი, არც ერთი კომპანიისთვის არ გახდება სასურველი. ქალაქის ხელმძღვანელობის მოთხოვნაა, ხელშეკრულებაში მითითებულ დროში უნდა ჩაბარდეს ქალაქს გარემონტებული შენობები“.

ნებლობა და მივიღებთ კინო-თეატრსაც და სმარტსაც. პროექტის მიხედვით შენობაში უნდა განთავსებულიყო სმარტი და ერთი დარბაზი დაეთმობოდა კინო-თეატრს. ჩვენი მხრიდან ყველანაირი ვადები დაცულია და ვადების გაქცევას ადგილი არ ქონია, ყველა რეაგირება აბსოლუტურად გატარებულია. სანამ არ დაიწყება მშენებლობა სულ ექნებათ ჯარიმები. მოგეხსენებათ, არც მათ აწყობთ ამდენი ჯარიმის გადახდა და, შესაბამისად, რაღაც გადაწყვეტილებას მიიღებენ. ჩვენს ქალაქს ჭირდება კინო-თეატრი. ყველა შემთხვევაში მათ მოუწევთ მშენებლობის გაგრძელება, რადგან ჯარიმების გადახდა ხარაღის მომგანია კომპანიისთვის, ეს მხოლოდ დროის ამბავია. რაც შეხება ჩვენი ქალაქის მოსახლეობას, მას არ აინტერესებს, რატომაა გაჩერებული მშენებლობა. სურთ გარემონტებული და ლამაზი შენობები იყოს ქალაქში. ჩვენი ინფორმაციით, კომპანიას ამჯერად არ აწყობს კინო-თეატრის გახსნა, რადგან მომგებიანი არ არის ბიზნესისთვის. მათ უნდათ ამერიკული ბრენდების შემოტანა, მა-

# რას ფიქრობენ ფოთელები დენის ტარიფის მომატებაზე

მაია კვარაცხელია : „რა უნდა გითხრათ, ამ გაჭირვებაში შუქის გაძვირება გეინდობდა კიდევ? სამი თეთრით გააიფხვს ვითომ და 4 თეთრით გააძვირებს. ეს დაარტყამს ჩვენი ოჯახების ბიუჯეტებს, მაგრამ ვინ არის გამკითხავი? ალბათ ეს არის კარგ ცხოვრებას რომ გვირდებოდა ახალი მთავრობა და ჩვენ ვერ ვხვდებით“.

თინა ფირცხელავა: „ყველაფერს დოლარის აწევას აბრალებენ. კიდევ კარგი, ეს დოლარი რომ არსებობს და აქვთ თავის მართლების საშუალება ამ მთავრობას, თორემ რა ეშველებოდათ? ჩვენ რა ხერი თუ დოლარი იმატებს ვე რა შედგათია ჩვენთვის, აქაც ისინი მდიდრებიან ხალხისთვის არავენ ფიქრობს, ყველა ხელისუფლება ხალხს ატყავებს“.

ქორა თურქია: „იცით რა, მე არ ვარ მთავრობის მეხოტბე, მაგრამ ალბათ არ გამოდის სხვანაირად, თორემ ხალხის უკმაყოფილება რატომ უნდა აწეობდეთ, კამიკაძეები არიან? თუ ქვეყნის ეკონომიკას სჭირდება და მერე უკეთესობა იქნება, კიდევ გავიჭირებთ ცოტას. მაგრამ ვიცოდეთ რომ სამომავლოდ ყველაფერი გამოსწორდება.“

ნოდარ სალაყაია: „რა ტარიფიც იყო, იმას ძლივს ვიხდიდი და ახლა რა ვიცი, გამოვრთო უნდა ყველაფერი და 21 საუკუნეში დაგვადეთ უშუქოდ, უტელევიზოროდ, და ყველაფრის გარეშე, რაც დენზე ირთვება. რა ვქნათ აბა? თუ ვერ გადავიხადებთ მაინც გადამიჭრიან. ასე ცხოვრება განა შეიძლება?“

ზინა ლატარია: „ჩვენ, ქართველები, ძალიან ამტანი ხალხი ვართ, რას არ გაუძეულით და დენის გაძვირება რაღაა ჩვენთვის? იმედია დროებითი იქნება და მალე გამოსწორდება ყველაფერი“.

ლაურა ჯგუბურია: „ჭირი ეტაკა შეილო ამ მთავრობას ამათმა სულ დააქციეს ქვეყანა, არადა ამას გვირდებოდნენ არცვენებად დაიკლებსო ამბობდნენ და პირიქით გააძვირეს“.

გურამ შონია: „ შეილო ყველაფერი გაყიდულია და კალაძე რას გახდებოდა. რომ დააკლო აქამდე ეგეც მისი დამსახურება იყო, ახლა ალბათ არ შეუძლია და რა ქნას. ვფიქრობ ასე არ გაგრძელდება დიდხანს და ისევ დაიკლებს“.

ზვიად მირცხულავა: „ შუქის ტარიფის მომატება მარტო,? ამაზე მიბმულია ყველაფერი პურიც მოიმატებს და რაც შუქზეა დამოკიდებული ყველაფერი. ეს უნდოდა კიდევ ხალხს? ისედაც გაძვირებულია ყველაფერი და ცხოვრება უჭირს ამის გამო ხალხს“.

ბონდო სიჭინავა: „ ეს რა გააკეთეს შეილო, ხალხი ისედაც გაჭირვებაში იყო და ამათმა კიდევ დაუმატა. ხალხი ისეთ დღეშია სად წავიდნენ აღარ იციან, ქუჩაში რომ ვუყურებ ყველა დაბნეული დადის, რადგან იმდენი საზრუნავი აქვთ ოჯახში რა მიიტანონ არ იციან, შეილებს რა აჭამონ. უმუშევრობამ ხომ წალეკა ქვეყანა ახლა კიდევ ამ დენის გაძვირება, ესედა აკლდათ. მოკლედ ხალხზე როდის იყო რომ ფიქრობდნენ, ამ ხელისუფლებასაც რომ ეფიქრა?

# ორი ფერმერი ქალბატონის ნარმატებული ისტორია

ENPARD- ი წარმოვიდგინოთ კიდევ ერთ ფოტო ისტორიას წარმატებული კოოპერატივის შესახებ, რომელმაც უკვე ისარგებლა ევროკავშირის ფინანსური დახმარებით და პირველი შედეგიც მიიღო. ENPARD-მა, რეგიონალური პარტნიორის „ქეა საერთაშორისოს“ მეშვეობით დაფინანსა ქალთა ახლად შექმნილი კოოპერატივი „ვარდი-2014“. ამ ყოველივეს უკან ძლიერი ქალების ბრძოლა დგას, არა მხოლოდ ეკონომიკური სარგებლისთვის, არამედ მეგობრების შესანარჩუნებლად. დიან, მაშინ როცა ახლა უკვე კოოპერატივის ორი წევრ ქალბატონს არალეგალური ემიგრაციის მძიმე და სასტიკი გზა ერობდებოდათ გამოსავლად ეჩვენებოდა ეკონომიკური პრობლემებისთვის თავის დასაღწევად. მათი უმძიმესი არჩევანის თავიდან ასარიდებლად მეგობრებს გაუჩნდათ იდეა, რომ გამოეყენებინათ ENPARD-ის მიერ შემოთავაზებული შესაძლებლობა, რომელიც სოფლის-მეურნეობის სფეროში არსებულ კოოპერატივებს განვითარებას და წინსვლას სთავაზობს. „ვარდი 2014“ ახლად შექმნილი ქალების ფერმერული ჯგუფია, სადაც ახლობელი ქალბატონები გაერთიანდნენ ერთი სურვილის გარშემო, წამოეწყოთ საკუთარი ბიზნესი, რომელიც მნიშვნელოვნად გააუმჯობესებდა როგორც მათი ოჯახების

შემოსავლებს, ამასთან განავითარებდა მათ შესაძლებლობებს და ერთმანეთთან ყოველდღიური ურთიერთობის საშუალებასაც მისცემდა. მათი სურვილის განხორციელებას ხელი შეუწყო იმ ფაქტმა, რომ ერთ-ერთი მათგანის ეზოში განთავსებული იყო უფუნქციოდ დარჩენილი 240 მ2 სასათბურე კარკასი, რომელიც წარმატებით შეიძლება გამოეყენებინათ სარფიანი ბიზნესის დასაწყებად. „ჩვენ გვაქვს საკმაოდ რთულ პერიოდში ერთმანეთის გვერდში დგომის გამოცდილება, ახლაც, ჩვენი ჯგუფის 2 წევრი სოციალური პრობლემების გამო უცხოეთში სამუშაოდ აპირებდა წასვლას. ეს კიდევ ერთი დამატებითი ფაქტორი იყო, რამაც საქმიანობის დაწყების მოტივაცია გაავიწინა“, - აცხადებს ჯგუფის ერთ-ერთი წევრი, ქალბატონი ლილა. მართალია ჯგუფს არა აქვს ბიზნესის წარმოების არავითარი გამოცდილება, მაგრამ ისინი სხვადასხვა პროფესიის ადამიანები არიან და აქვთ მუშაობის გამოცდილება სხვადასხვა სფეროში, ამიტომ ფუნქციებიც მათი პროფესიების და შესაძლებლობების მიხედვით გადაინაწილდა: ლილა ჩოჩიამ 2 წლის წინ გაიარა USAID NEO-ის მიერ ორგანიზებული ტრენინგი მესათბურეობაში. ის მარკეტინგის საკითხებზე მუშაობს. ნანა კუპრეიშვილი აფხაზეთიდან დენილი ქალბატონია,

განათლებლით აგრონომ-დეკორატორი. სოხუმის დაცემამდე მუშაობდა ქალაქის გამწვანების სამსახურში. კოოპერატივში მუშაობს პროფესიული კუთხით. მანანა ბოკუჩავა განათლებით ბუღალტერია და ის კოოპერატივის ფინანსურ საკითხებს უძღვება. ინგა მუგასაშვილი ვარდების გაყიდვაზე იმუშავებს. ის ამჟამადც მალაზიის გამყიდველია და ამ კუთხით საკმაოდ გამოცდილება აქვს. ნანა ფანცულაია პროექტის კოორდინატორია. ვინაიდან სათბური ნანას ეზოშია განთავსებული, ის ყველაზე მეტადაა დაკავებული სათბურში ყოველდღიური საქმიანობით. მიუხედავად იმისა რომ „ვარდი 2014“ უკვე გაიფურჩქნა, კოოპერატივის წევრების თქმით ისინი ჯერ ბუჩქის გაძლიერებაზე აკეთებენ აქცენტს და პროდუქციის რეალიზაციის დაწყებას სექტემბრიდან ვარაუდობენ. პროდუქციის სარეალიზაციოდ გამოიყენებენ მათ მფლობელობაში არსებულ ფორდის მარკის მსუბუქ ავტომანქანას. გრანტის ფარგლებში კოოპერატივის წევრებმა სასათბურე კარკასიდან მოაწყვეს სასათბურე მეურნეობა საკმარისი და სავენტილაციო ჭრილებით, დაამონტაჟეს წვეთოვანი საირიგაციო სისტემა, საწრდილობელი ბაფე, ეზოში არსებულ ხელოვნურ წყალსაცავთან გააკეთეს წყლის საქანი მოწყობი-



ლობა, შეძინეს და დარგეს 500 ძირი ვარდის ნერვი. ამ საქმიანობებისათვის მათ ქეასგან მოითხოვეს 7909 ლარი. ვარდა ამ თანხისა კოოპერატივის ფულადი თანადაფინანსება შეადგენდა 4488 ლარს, რაც გამოიხატა შრომითი წვლილით და არაფულადი წვლილი 8000 ლარი, მათ საკუთრებაში არსებული სასათბურე კარკასის სახით. კოოპერატივი „ვარდი-2014“-ის წევრები მომავალში აბაშის ცენტრში საკუთარი ყვავილების მალაზიის გახსნას გეგმავენ, სადაც ვარდებთან ერთად გაყიდიან სხვა ჯიშის ყვავილებს და მცენარეთა დაცვის საშუალებებს. ჩვენ ვეცდებით ჩვენი

ბიზნესის მამოძრავებელი იყოს წარმატებული მენეჯმენტი, რომლის დროსაც ჯერ კარგად ვფიქრობთ და შემდეგ ვიღებთ გადაწყვეტილებებს, ვხვდებით ფართო სურათს, ვიხედებით შორს. ასევე ვეცდებით ბიზნესი თავისი გადაწყვეტილებებით იყოს მოქნილი, რაც საშუალებას მოგვცემს მუდმივად ცვალებად გარემოში შევინარჩუნოთ პრობლემები. შესაძლებლობებზე ფოკუსირება საშუალებას მოგვცემს ჩვენი სუსტი მხარეები ჩვენს უპირატესობებზე ვაქციოთ, რაც წარმოებისათვის გრძელვადიან პერიოდში ძალზე მნიშვნელოვანია“ - ამბობენ ჯგუფის წევრები.

# „კავკასიონი,, ფოტოსაქვეყნა

## მარიამ ჯავახიძე ჩემო მშენებელი

ორიოდე წლის წინ ჩხოროვწყის მუნიციპალიტეტში ანსამბლი „კავკასიონი,, ჩამოყალიბდა, რომელიც 12 წევრისგან შედგება. ანსამბლის უანრი ეთნოპოლიტიკის განხორციელება, რაც ხალხური და ელექტრონული მუსიკის სინთეზია. ანსამბლმა სულ მოკლე ხანში შეძლო პოპულარობის მოპოვება. პატრიარქის კურთხევით ანსამბლმა მონაწილეობა მიიღო ლაზურ-ქართულ ფესტივალში. რამდენიმე კონცერტი ჩაატარეს რე-

გიონშიც. რამდენიმე დღის წინ ჩხოროვწყის მუნიციპალიტეტში მოახდინეს პრეზენტაცია. ანსამბლს შემდეგი განვითარებისთვის გარკვეული თანხები სჭირდება, რამდენიმე სპონსორი კი ყავთ, მაგრამ არაა საკმარისი. სწორედ ამ სპონსორების მეშვეობით შეძლეს აქამდე არსებობა, მაგრამ კიდევ უფრო წარმატების მისაღწევად, როგორც უკვე აღვნიშნეთ, მეტი ფინანსება სჭირდება. „კავკასიონის“ შექმნამდე მისი წევრები სახალხო ანსამბლში გახლდნენ გაერთიანებულნი. ანსამბლის

ხელმძღვანელი ირაკლი კაჭარავა როგორც ამბობს, სურდათ ახალი რამ ეთქვათ ხელოვნებაში: „ფოლკლორულ ანსამბლს იმდენი გასაქანი არ აქვს, რომ თანამედროვეობისთვის გვეპასუხა. მარტო ფოლკლორით ფონს ვერ გავდივართ. მხოლოდ ფინანსური მხარე არ მაქვს მხედველობაში. არამედ უფრო ინტენსივობა, გამოჩენა საზოგადოებაში, განვითარება. ფოლკლორის სპეციფიკური მხარეა და მას თავისი ჩარჩოები აქვს. მაინც პროვინციული ანსამბლია და მას იმდენი გასაქანი არ აქვს. ამიტომ ვიფიქრეთ და გადავწყვიტეთ



ამ უანრიო წავსულიყავით და აქაც გვეცადა ჩვენი შესაძლებლობები. რამდენად შეგვეძლო გვეპასუხა თანამედროვე მოთხოვნებისთვის. გაგვიმართლა მოლოდინმა. ჩვენ ეს შევძელით, მაგრამ გასაკეთებელი და სამუშაო ჯერ კიდევ ბევრი გვაქვს“. ანსამბლის ხელმძღვანელს ირაკლი კაჭარავას თავად გაუჩნდა ანსამბლის შექმნის იდეა. თავად წერს სიმღერებსაც, ტექსტსაც და კომპოზიციათაც. ხოლო ვეველაფერ ამას, როგორც კაჭარავა ამბობს, ბიბი მისცა უწმინდესის ლოცვა-კურთხევამ. პატრიარქს ერთ შოუში მოუსმენია ანსამბლის მიერ შესრულებული სიმღერა „გოლუაფირო საქართველო“ და ძალიან მოსწონებია. ამის შემდეგ უწმინ-

დესმა აუდიენცია მოუწყო ანსამბლის წევრებს. კაჭარავა იმ სამ სიმღერას გამოყოფს, რომლებმაც მათ პოპულარობა მოუტანა - „გოლუაფირო საქართველო“, აფხაზებისთვის მიღწეული სიმღერა და „კოსტა აჭარა“. მიუხედავად უფინანსობისა და ცუდ პირობებში მუშაობისა, ანსამბლის წევრები ცდილობენ, არ დაიშალონ. იმედოვნებენ, რომ ანსამბლს სპონსორი გამოუჩნდება და რეგიონებში ტურნესაც განაგრძობენ. უახლოეს დღეებში ისინი ფოთსაც ესტუმრებიან დარწმუნებული ვარ, ფოთელ მსმენელს და მუსიკის მოყვარულებს დიდი სიამოვნება ექნით მათ კონცერტზე.



## რა კითხვებზე მოუწვთ პასუხის გასვლა პედაგოგებს? თვითშეფასების კითხვარი ლამაზიდა

მასწავლებელთა პროფესიული განვითარების ეროვნულმა ცენტრმა, პედაგოგთა პროფესიული განვითარებისა და კარიერული წინსვლის ახალი სექციის ფარგლებში, (რომელიც ახალი სასწავლო წლიდან ამოქმედდება) პედაგოგთა თვითშეფასების კითხვარი დაამტკიცა. კითხვარის შევსება მასწავლებლებს ყოველი სასწავლო წლის დასაწყისში მოუწევთ და ის პედაგოგებს სასწავლო წლის დაწყების შემდეგ დაურიგდებათ. რისგანაა შედგება დაინტერესდით, რა კითხვებზე მოუწევთ პასუხის გაცემა პედაგოგებს, ჩვენ კითხვარის სრული დოკუმენტი მოვიპოვეთ, რომელიც არც თუ ისე მცირე მოცულობისაა, ამიტომაც მის შემოკლებულ ვარიანტს გთავაზობთ: I მასწავლებლისა და მოსწავლეების ურთიერთობა: აღნიშნულ პუნქტში მასწავლებელმა შემდეგ კითხვებს უნდა უპასუხოს: ინტერესდება და ცდილობს თუ არა გავითვალისწინოს მოსწავლის სასწავლო, ემოციური და სოციალური პრობლემები? ცდილობს შექმნას ისეთი საკლასო გარემო, რომ მოსწავლეებს ჰქონდეთ საშუალება, უკეთ გაიცნონ ერთმანეთი, დაეხმარონ და იზრუნონ ერთმანეთზე? ყურადღებას ამახვილებს თუ არა მოსწავლის ძლიერ მხარეებზე, ამავდროულად, აძლევს თუ არა რჩევებს საჭირო უნარების გასაზრუნებლად? მოსწავლეებთან საუბრისას ყურადღებას აქცევს თუ არა საკუთარ ლექსიკას და სხეულის ენას (ხმის ტონს, სახის გამომეტყველებას, თვალის კონტაქტს, უესტიკულაციას, მიმიკას) ყველა მოსწავლეს უდგება თუ არა ინდივიდუალურად, სტერეოტიპებისა და

წინასწარ ჩამოყალიბებული განწყობის გარეშე? II მოსწავლეთა ტოლერანტობის გრძობის წახალისება, მოსწავლეთა თანასწორუფლებიანობის უზრუნველყოფა: ეცნობა და პატივს სცემს თუ არა მოსწავლის რელიგიურ რწმენას, ასევე მის კულტურულ თავისებურებებს, რათა ხელი შეუწყოს მოსწავლეთა შორის ერთიანობისა და სოლიდარობის გრძობის ჩამოყალიბებას, თანამშრომლობითი გარემოს შექმნას საკლასო ოთახში? მოსწავლეთა პიროვნულ, კულტურულ, სოციალურ, ეთნიკურ და რელიგიურ მრავალფეროვნებას იყენებს თუ არა როგორც სასწავლო რესურსს? ცდილობს, მოსწავლეებმა აღიქვან პარტნიორად? ახალისებს პროსოციალურ ქცევებს (სხვის დახმარებას, ზრუნვას)? III დამტკიცებულ კითხვარში აღვნიშნეთ ეთნობა ინკლუზიური განათლების საკითხებს: სპეციალისტებთან ერთად ქმნის სპეციალურ საგანმანათლებლო საჭიროების მქონე მოსწავლის ინდივიდუალურ პროგრესზე ორიენტირებულ გარემოს და უზრუნველყოფს ინდივიდუალური მიზნებისა და ეროვნული სასწავლო გეგმის გათვალისწინებით? აფასებს სპეციალური საგანმანათლებლო საჭიროების მქონე მოსწავლის სწავლის პროგრესს? IV კლასის მართვა (ქცევის წესების დაცვა): კლასში ქცევის წესებს მოსწავლეებთან ერთად იმუშავენ? მოსწავლეები მონაწილეობას იღებენ ქცევის წესების დარღვევისათვის სანქციების შემუშავებაში? მოსწავლეების რთულ აქტივობებში ჩართვის მიზნით იყენებს თუ არა კარგად გაწერილ და მკაფიოდ ფორ-

მულირებულ ინსტრუქციებს? მოსწავლეებს აძლევს მკაფიო მითითებებს ამა თუ იმ დავალების შესრულების შესახებ (მაგ., ვერბალური, ვიზუალური, ფიზიკური დემონსტრირების გზით)? V სასწავლო რესურსის მართვა და გამოყენება: ახდენს სკოლაში და სკოლის გარეთ არსებული რესურსების კლასიფიკაციას -კატეგორიზაციას; არჩევს და იყენებს მათ სასწავლო მიზნის შესაბამისად? სასწავლო რესურსის შერჩევასა ფიქრობს იმაზე, თუ რამდენად გაზრდის ეს რესურსი სწავლის მოტივაციას მოსწავლეებში? მიზანმიმართულად იყენებს თუ არა თვალსაჩინოებებს, რაც მოსწავლეებს უადვილებს ახალი ინფორმაციის აღქმასა და გაგებას? ამზადებს სასწავლო რესურსს მოსწავლეთა ინდივიდუალური საჭიროებების გათვალისწინებით? VI გაკვეთილის დაგეგმვა მკაფიოდ ჩამოყალიბებული მიზნით: წინასწარ გეგმავს თუ არა გაკვეთილის ეროვნული სასწავლო გეგმის მისაღწევი შედეგების გათვალისწინებით? გაკვეთილის მსვლელობისას, კლასის საჭიროებებიდან გამომდინარე, ახდენს თუ არა გაკვეთილის გეგმის მოდიფიცირებას? მოსწავლეებს უხსნის გაკვეთილის/სასწავლო აქტივობის მიზანს და მოსალოდნელ შედეგებს? მოსწავლეთა ინტერესებისა და შესაძლებლობების გათვალისწინებით გეგმავს თუ არა კლასგარეშე აქტივობებს? VII სწავლისა და სწავლების სტრატეგიები: იყენებს სტრატეგიებს, რომლებიც ეხმარება მოსწავლეებს ინფორმაციის ანალიზის, სინთეზისა და შეფასების უნარების განვითარებაში? მოსწავლეებს სთავაზობს მკაფიო ინსტრუქციებს და პროცედურებს სასწავლო

აქტივობებისთვის გაკვეთილის სპეციფიკის გათვალისწინებით? მოსწავლეთა საჭიროებებისა და თავისებურებების გათვალისწინებით იყენებს თუ არა სწავლების დიფერენცირებულ მიდგომას? მოსწავლეებს რეგულარულად აძლევს საკლასო და საშინაო დავალებებს, რომლებიც ეხმარება მათ არსებითი და არაარსებითი ინფორმაციის განსხვავებაში, ცნებებსა და იდეებს შორის მნიშვნელოვანი კავშირების დანახვასა და ინფორმაციის სინთეზში? VIII დისკუსიის დაგეგმვა: დისკუსიის სხვადასხვა ტექნიკის გამოყენება: ხელს უწყობს მოსწავლეებს, დაასაბუთონ საკუთარი იდეები და მოსაზრებები? თავს არ ახვევს მოსწავლეებს არც საკუთარ და არც აღიარებულ სტერეოტიპულ მოსაზრებებს? მოსწავლეებს უბიძგებს საკუთარი და სხვების აზრების კრიტიკული შეფასებისაკენ? მოსწავლეებს უსვამს პრობლემურ შეკითხვებს, რაც ხელს უწყობს მათ ჩართვას კამათში და აქტიურ დისკუსიაში? VIII მოტივაცია და აქტიური მონაწილეობა- ხალისიანი და დინამიური გაკვეთილის ჩატარება: იყენებს მოტივაციის ამაღლების სხვადასხვა სტრატეგიებს, რომლებიც მოსწავლეებს სტიმულს აძლევს, დასახონ სასწავლო მიზნები და მათი მიღწევის გეგმა? მოსწავლეებს რთავს სხვადასხვა სახის კვლევით აქტივობებში, რომლებიც იწვევს მათ ინტერესს და ასევე უკავშირდება რეალურ სიტუაციებს? მოსწავლეებს აძლევს საკუთარი ინტერესებისა და მისწრაფებების რეალიზაციის, ასევე არჩევანის გაკეთებისა და საკუთარი დამოკიდებულებების გამოხატვის შესაძლებლობას? IX სწავლების დროს შეფასების გამოყენება: მოსწავლეებს რთავს შეფასების კრიტერიუმების (რუბრიკის) შემუშავების პროცესში? მოსწავლეებს აწვდის ინფორმა-

ციას იმის შესახებ, თუ რას ნიშნავს ხარისხიანი ნამუშევარი (შეფასების რუბრიკები, ხარისხიანი ნამუშევრის ნიმუში და სხვა) ? ყველა დაინტერესებულ პირს (მშობლებს, კოლეგებს, სხვ.) აცნობს ინფორმაციას შეფასების რუბრიკების, მეთოდების, ასევე შემაჯამებელი სამუშაოს ვადებისა და ტიპების შესახებ? სწავლის პროცესში გამოყოფს მნიშვნელოვან ეტაპებს, განსაზღვრავს თითოეულ ეტაპზე მისაღწევი შედეგებს და იყენებს სხვადასხვა სახის განმავითარებელ შეფასებას, რათა დაეხმაროს მოსწავლეებს თითოეულ ეტაპზე საკუთარი პროგრესის შეფასებაში? X პროფესიული ქცევა: გაკვეთილზე ცხადდება დროულად? მოსწავლეებთან და კოლეგებთან ურთიერთობისას არის კონსტრუქციული, კორექტული და იცავს ეთიკის ნორმებს? საჭირო დოკუმენტაციას აწარმოებს დროულად და ხარისხიანად? თავს არიდებს თამბაქოსა და ალკოჰოლის მოხმარებას სასკოლო სივრცეში? მისი ჩაცმულობა სასკოლო სივრცეში შეესაბამება მასწავლებლის ეთიკის კოდექსით დადგენილ მოთხოვნებს? XI პროფესიულ განვითარებაზე ზრუნვა: ეძებს და ეცნობა პროფესიული განვითარებისთვის სასარგებლო ბეჭდურ, ელექტრონულ და მულტიმედია რესურსებს? ეუფლება ეფექტური სასწავლო პროცესის განსახორციელებლად საჭირო ინფორმაციულ საკომუნიკაციო ტექნოლოგიებს? ეუფლება სხვა სწავლების მეთოდებს და მოსწავლეთა განსხვავებული საჭიროებებზე მორგებულ სწავლების დიფერენცირებულ მიდგომებს?

# გაზეთი „მთავარი თემა“

## სამეგრელოში,

ახსენებს კონკურსს

„წელიწადის გამყიდველი“-ს

სახელზე

კონკურსში შეუძლია მიიღოს მონაწილეობა ყველა გამყიდველმა, რომლის მაღაზიანობის იყიდვაა გაზეთი. კონკურსში გამარჯვებულის გამოვლენა და დაჯილდოება გაიმართება რედაქციის საზიარო ვითარებაში.

კონკურსში მონაწილეობა შეიძლება ყველა გამყიდველს რომლის მაღაზიანობის იყიდვაა გაზეთი.

რედაქციის შეუძლია შესთავაზოს გამყიდველს მიიღოს მონაწილეობა კონკურსში, შეიძლება მკითხველზეც შეიძლება მონაწილეობა ან გამყიდველი თვითონ დაგულოვს მონაწილეობას გაზეთის მიერ გამოცხადებულ კონკურსში.

1. ხმის მიცემა მოხდება გაზეთში დაბეჭდილი კუპონების მეშვეობით.
2. მკითხველს შეუძლია მისთვის ხმაების ნებისმიერი რაოდენობა ერთ ან რამდენიმე გამყიდველს. არსებობს მხოლოდ ერთი პირობა - ხმის მიცემა შეიძლება მხოლოდ გაზეთიდან გამოჭრილ კუპონზე (ქსეროქსზე გადაღებული კუპონები კონკურსში მონაწილეობას არ დაგულოვანს)
3. თვეში ერთხელ ამოირჩევა - თვის საუკეთესო გამყიდველი, რომელიც მიიღებს ჯილდოს-სიუპრიზს. თვეში ერთხელ ჯილდოს მიიღებს აგრეთვე ხმის მიმცემი.
4. წლის ბოლოს კი დასახელდება წელიწადის გამყიდველი, რომელიც მიიღებს მნიშვნელოვან საჩუქარს.
5. ხმის მიცემა შეუძლია ყველა მკითხველს. თითოეულს შეუძლია შეაფასოს გაზეთიდან ამოჭრილი კუპონების ნებისმიერი რაოდენობა. კუპონები შეიძლება გაიგზავნოს ან მოიგზავნოს რედაქციაში, ან შეიძლება მოიგზავნოს მაღაზიანობაში, რომელშიც იყიდება გაზეთი. მაღაზიანობა კუპონებს დაგულოვს რედაქციის თანამშრომელი.

კონკურსის ხსენება ასევე ერთგული მკითხველი-ის სახელზე, წლის ბოლოს დაჯილდოვდება ის მკითხველი, რომელიც რედაქციაში გაზეთის ყველა ნომერს წარმოადგენს.

## სხელი ხაზი

გაზეთში „მთავარი თემა სამეგრელოში“ მოქმედებს ცხელი ხაზი.

თუ გაქვთ პრობლემა: გესაჭიროებათ დახმარება, ან გსურთ თქვენი ხმა მიაწვდინოთ კომპეტენტურ პირსა და ორგანოს, დაგვირეკეთ ნომრებზე: 599 34 14 17, 574 34 14 17, ჩვენ შევეცდებით დაგეხმაროთ პრობლემის მოგვარებაში; შეგიძლიათ დაგვირეკოთ საქალაქო ტელეფონზე: 04293 22 40 50

# კუპონი №18

**მთავარი**  
**მთავარი**

გამყიდველის მთავარი პრიზი - - - - -

ხმის მიმცემის პრიზი - - - - -

1. \_\_\_\_\_
2. \_\_\_\_\_
3. \_\_\_\_\_
4. \_\_\_\_\_
5. \_\_\_\_\_

ხმის მიმცემის სახელი და გვარი \_\_\_\_\_

მისამართი: \_\_\_\_\_

ტელ: \_\_\_\_\_

ჩვენი მისამართი: ფოთი, წმინდა ნინოს 3/2, 0 492 22 40 50

გაზეთის ხელმოწერით საყურადღებოდ!	გაზეთი „მთავარი თემა სამეგრელოში“ საგუშაგო ინვესტ სამეგრელოს რეგიონიდან ყველა ასაკის მქონე ადამიანებს გაზეთის გამავრცელებლად და სარეკლამო აგენტებად კანდიდატების შერჩევა მოხდება გასაუბრებით. მოგვმართეთ შემდეგ მისამართზე: ფოთი ნ.მ. ნინოს ქუჩა 3/2 ტელეფონი: 599 34 14 17	გაზეთი „მთავარი თემა სამეგრელოში“ სტაჟირებაზე ინვესტ სტუდენტებს, ახალგაზრდებს რომელთაც სურთ მიიღონ გამოცდილება ქრნალისტიკაში წარმატებული სტაჟირები დასაქმდებიან გაზეთში. დაინტერესებულმა პირებმა მოგვმართეთ მისამართზე: ფოთი ნ.მ. ნინოს ქუჩა 3/2 ტელ: 599 34 14 17
ერთი ნომრის ღირებულება ორგანიზაციებისთვის 1 წლით - 50 ლარი 6 თვით - 25 ლარი 3 თვით - 12,50 ლარი კარდაკარის პრინციპით გაზეთის გამოწერა მოქალაქეებისთვის 3 თვით - 6 ლარი <b>იკითხეთ გაზეთი</b> <b>მთავარი</b>		

ისარგებლეთ გაზეთ „მთავარი თემა სამეგრელოში“ შეღავათიანი მომსახურებით, განათავსეთ გაზეთში განსხვავებული რეკლამები, მილოცვები. ოჯახის სამგლოვიარო განსხვავებული მილოცვა- ჩვეულებრივი შრიფტით - ერთი ასო 5 თეთრი, სქელი შრიფტით - 7 თეთრი, პირველ გვერდზე - ორმაგი ფასი, სურათიანი განსხვავებული: სამგლოვიარო - 15 ლარი, მილოცვა - 10 ლარი, არაკომლიტიკური რეკლამა: მესამე გვერდზე - მთლიანი გვ. (100სმ2) - 150 ლარი, ნახევარი (500 სმ2) - 75 ლარი; მეოთხედი (250სმ2) - 37.50 ლარი; მეხუთე გვერდზე: მთლიანი გვ. - 130 ლარი; ნახევარი - 65 ლარი; მეოთხედი 32.50 ლარი. პირველ გვერდზე რეკლამა ხუთჯერ ძვირია, ვიდრე მესამე გვერდზე, ბოლოზე - სამჯერ ძვირი ვიდრე მესამე გვერდზე. პოლიტიკური რეკლამის ღირებულება ორმაგია. მრავალჯერად რეკლამებზე და ხელმოწერაზე გათვალისწინებულია ფასდაკლება. გაზეთის გამოწერის მსურველებმა მიმართეთ სამეგრელოს რეგიონალური გამოსაქირის ოფისს. ქ. ფოთი, ნ.მ. ნინოს ქ.3/ 2 ტელ: 0(493) 22-40-50; 5(99) 34 14 17,

**მთავარი**  
**მთავარი** **თქვენი პრობლემების კვლადაკვად**